

**I**n Gottes Namen Amen/ Kund vnd zuwissen sey alleit  
 vnd jeden denen diß offen instrumentum zu sehen/ zulesen/ vnd  
 zuhören lesen vorkombt/ Das im Jahr nach Christi vnser lie-  
 ben Herrn Geburt 1609. in der achter Indiction Römer zins-  
 zal genant/ bey Herrschung vñ Regierung des Aller durchleuch-  
 tigsten Großmechtigsten vnd Vnüberwindlichsten Fürsten vnd Herrn/ Herrn  
 Rudolffen des andern von Gottes Gnaden erwöhlten Römischen Kayfers zu  
 allen zeiten mehrer des Reichs in Germanien/ zu Hungaren/ Böhheim/ Dal-  
 maticn/ Croaticn vnd Schlawonien/ 2c. Königs/ Erzherzogen zu Osterreich/  
 Herzogen zu Burgunde/ Steyr/ Kärndten/ Krain vnd Wirtenberg/ Grafen  
 zu Tyrol/ 2c. vnser Allergnedigsten Herrn/ Ihrer Kay. May. Reiche des Röm-  
 ischen vnd Böhheimischen im 35. vnd des Hungarischen im 38. Jahren/ auff  
 Montag den 28. Decembris stylo novo, vormittag vngesehr vmb neun  
 vñhren/ wir vnden benente Notarien vnd zeugen allhie zu Düsseldorf gen Hoff  
 gefordert/ vnd daselbsten auff dem Fürstlichen Schloß in der gewöhnlichen  
 Kähtstuben beysammen an einer Taffel sitzen befunden/ Den Durchleucht-  
 igen/ Hochgebornen Fürsten vñnd Herrn/ Herrn Ernstern Marggraffen zu  
 Brandenburg/ in Preussen/ zu Secretin/ Pommern/ der Cassuben vnd Ben-  
 den/ auch in Schlessen/ zu Croffen vnd Jegerndorff/ 2c. Herzog/ Burggraffe  
 zu Nürenberg vnd Fürst zu Rügen/ neben Ihrer F. Gn. zugeordneten/ vnd  
 Kähten/ Vnd dann des auch Durchleuchtigen/ Hochgebornen Fürsten vnd  
 Herrn/ Herrn Wolffaang Wilhelm Pfalzgraffen bey Rhein/ Herzogen in  
 Bayern/ Grafen zu Beldenz vnd Spanheim/ 2c. hinterlassene Kähte/ Vnd  
 hat der Hochgelehrte Doctor Erasmus Moriz zu vns zureden angefangen/  
 Hochgedachter Ihre F. G. so daß auch die hinterlassene Pfalz Newburgische  
 Herrn Kähte/ nehmen vnser vnd der Notarien vnd zeugen auff erforderen be-  
 schenes gehorsames erscheinen/ zu gnedigem vnd günstigem gefallen auff/  
 vnd were demnach an deme/ das kurz verschienener zeit abereins zu Deuren erst-  
 che vnderm Namen der Röm. Kay. May. emanirte Mandata vnd Proceß an-  
 geschlagen vnd publicirt werden wollen (die jedoch daselbsten nicht angenom-  
 men weren/ vnd davon Hochgedachter Herr Pfalzgraff gestern allererst rechten  
 berichte anhero gelangen lassen) vnd das hernacher dieselben in des Heyligen  
 Reichs Statt Eöln den 19. Decembris auch neuen Calenders/ davon doch  
 allererst vor wenig tagen avisé einkommen/ durch einen Herolt vermittelst ge-  
 wöhnlicher Ceremonien offentlich exequirt weren/ darin Ihre FF. GG. dero  
 Beamten/ Dienern/ Vnderthanen/ Schutzverwandten vnd Kriegsvolck  
 mercklich

mercklich gravirt, vnd das sie allerseits noch weiter dahero gravirt werden möch-  
 ten/ zubefahren stände/ Darumb Ihre JJ. GG. vnd wolgedachte Käthe/ zu  
 rettung ihrer vnd der ihrigen vnschuld keinen vmbgang haben mögen/ die mit-  
 tel dagegen an die hand zunehmen/ so in solchen fällen die heilsamē Rechte ver-  
 gönnen vnd zulassen/ Vnd hetten demnach ihre notturfft auffss Papyr bringen  
 lassen/ vnd dieselbe vns fürzulesen gnedig befohlen. Darauff wolgedachter D.  
 Erasmus Moriz den Appellation zettel von wort zu wort verlesen/ vnd nach  
 verlesung zu reden continuirt/ Ihre JJ. GG. so wol die hinderlassene Pfalz Rer-  
 burgische Herrn Käthe/ requirirten vns Notarien vnd zeugen fleissig/ fleissiger  
 vnd auff das aller fleissigst/ das wir diese respectivē Supplication vnd Appel-  
 lation wol ad notam nemen/ ein instrumentum darüber begreifen/ dasselbe auff  
 Pergament ingrossiren/ vnd vmb die gebür/ darauff vns arra an Gold vnd Sil-  
 ber zugestellt/ eines oder mehr darüber heraussfer geben/ vnd sonst mit Insinu-  
 rung vnd dem vbrigen thun wolten was vnser officium were/ vnd sich zu presti-  
 ren gebürte/ zu welchem ende vñ so viel diesen Actum belanget/ wir vnserer eide/  
 damit Hochgedachten Ihren JJ. GG. wir vnderthenigst verwandt/ gnedig  
 erlassen sein solten.

Nun volgt vnd lautet der zettel von wort zu wort also.

**D**ie Durchleuchtige/ Hochgeborne Fürsten vnd Herrn/ Herz  
 Ernst Marggraf zu Brandenburg/ in Preussen/ 2c. Herzog/ 2c. Vnd  
 Herz Wolfgang Wilhelm Pfalzgraf bey Rhein/ in Bayern/ 2c.  
 Herzog/ 2c. in habender vollmacht der Durchleuchtigsten/ Durchleuchtigen  
 Hochgebornen Fürsten vnd Herrn/ Herrn Johan Sigismunden/ Marggraf-  
 fen zu Brandenburg/ des Heyligen Römischen Reichs Erg. Cammerern vnd  
 Churfürsten/ 2c. Vnd Frawen Ann Pfalzgräffin bey Rhein/ in Bayern/  
 Herzogin/ 2c. Ihrer JJ. GG. geliebter respectivē Herrn Bruder vnd Fraw  
 Mutter/ thun in gegenwart ewerer der Notarien vnd erforderen zeugen vol-  
 genden bericht.

Demnach die Allgemeinen Rechte heilsamlich verordnen vnd zugeben/  
 daß ein jedweder wegen zugezogener vñ empfangener beschwernussen/ Berichte-  
 lichen oder aussfer Berichtslich/ in gegenwertigen oder künfftigen/ wie die Na-  
 men haben mögen/ nicht allein vor sich Principaliter, sondern auch als ein Ter-  
 tius seines mit einlassenden interesse halb/ zuvorab eine Obzikeit vnd Herr-  
 schafft wegen dero Vnderthanen vnd zubehörigen von einem jeden Richter  
 mediato

mediato siue immediato, ordinario siue delegato, ad superiorem siue committentem, quinimo ab eodem ad eundem, sich beruffen/ appelliren oder supplicieren möge/ Vnd dann kurz verstrichener zeit abereins erstliche Process vnd Eventual Achts erklärungen/ so zu Prag den 6. Novembris dieses aufgehenden Sechshundert vnd Neundren Jahrs datiert/ wider die geworbene Kriegsknechte/ Bampye, Rähte/ Diener/ Stände/ Vnderthanen vnd Schutzwandarten der Fürstenthumben Gältich/ Eleve vnd Berg/ vnd dero zugehöriger Graff vnd Herrschafften vnderm Namen der Römischen Kayserlichen Mayestät/ auß sonderem befehl Erzhertzog Leopoldi/ Bischoffen zu Straßburg vnd Passaw/ ic. als angegebener Kayserlichen vornembsten Commissarij erstmahls zu Deuren/ daselbst sie doch nicht angenommen/ hernacher den 19. Decembris neuen Calenders selbigen Jahrs in der Heyligen Reichs Statt Eßlin (davon allereft diese nechst erschienenen tage genugsamer berichte einkommen) durch einen Herolden exequiren, vnd öffentlich an verschiedenen obrten angeschlagen worden/ Deren eins also lautet:

**W**ir Rudolff der ander von Gottes Gnaden Erwählter Römischer Kayser/ zu allen zeiten mehrer des Reichs in Germanien/ zu Hungaren/ Böhheim/ Dalmatien/ Croatien vnnnd Schlawonten/ König/ ic. Erzhertzog zu Osterreich/ Herzogen zu Burgund/ Steyr/ Kärnten/ Krain vnd Wirtemberg/ Graffe zu Tyrol/ ic. Entbieten allen vñ jeden Kriegsobersten/ Rittmeistern/ oder ihren Leutenanten/ Hauptleuten/ Zentrich/ Befelchs vnd gemeinlich allen Kriegsknechten zu Ross vnd Fuß/ wie die Romschen/ Elevischen vnd Bergischen Fürstenthumb/ auch andern dazu gehörigen Graff/ Herrschafften vnd Länden bestelt/ außgeführt vnd geworben/ oder noch in werbung oder anzug stehen vnd darunder ersucht vnd gebraucht werden möchten/ vnd ins gemein allen denen/ welchen gegenwertig vnser Kayserlicher Brieff/ auß anordnung insonderheit dazju deputirten Kayserlichen Commissarien/ oder anderen von ihnen hierzu verordneten Personen fürkompt/ inhnairt vnd verkunder würd/ hiemit zu wissen. Ob wol wir euch sampt vnd einem jeden insonderheit vnder dato des Eilfften Julij nechsthin durch offiner Mandata vnd Patenten von Römischer Kayserlicher macht vnd vollkommener gewalt/ den jenigen zwar so vnser vnd des Reichs Vnderthanen oder verpflichte nicht/ vnd etwo außwendigen frembden Nationen/ Herrschafften vnd  
Obern

Obern zugehan vnd verwandt sein möchten bey Leib straff/ wo sie betretten  
würden/ den andern vnsern vnd des Reichs vnmittelbaren vnderthanen/  
Pflichtsverwandten/ Vasallen vnd Lehensleuten aber/ oder welche vnder vns  
vnd dem Heyligen Reich geseffen vnd begüet/ bey peen vnd straff vnser vnd  
des Heyligen Reichs Acht vnd aber Acht/ dazzu verlust aller vnd jeder ihrer  
Haab vnd Güter/ welcher enden vnd ohrten die im Heyligen Reich/ oder den  
selben verwandten Ständen gelegen seyen/ auch aller Lehen/ Gnaden/ Priuile-  
gien/ Freyheiten/ dartin die Vberrreter ipso facto ohne einige fernere erklä-  
rung gefallen sein sollen/ avocirt, vnd ernstlich befohlen vnd gebotten/ das ihr  
in angeregte Gütliche Fürstenthumben vnd dazzu gehöriger Land: Graff-  
schafften/ Embter/ Stätt/ Schlöffer/ Gerichte/ Pflügen/ Dorffschafften/ Ge-  
bieten/ Landschaften/ vnderthanen vnd Verwandten/ nicht allein als gleich/  
vnd so bald euch sampt vnd sonderlich solch vnser Mandat vnd dessen glaub-  
würdige von vnsern Kayserlichen Commissarien vidimirte Abschriften ver-  
kündet vnd zu wissen gemacht würden/ ohn allen auffhalt wider einräumen vnd  
genzlich verlassen/ mit allen gewalthaten verschonen/ vnd in keine weis feind-  
lich angreifen/ beleidigen vnd beschweren/ auch euch fürters hin/ wie vnd mit  
was schein es von den Kriegsherrn vnd Obersten mehr begert oder fürge-  
nommen würde/ im wenigsten nicht darwider vnd gegen vnserer der Präsen-  
dieren Interessenten halben erkendte/ verkündte vnd auffgeschlagene offne  
Mandata einen oder andern zu präiudiz vnd versang bestellen vnd gebrau-  
chen lassen/ sondern wo sich vielleicht einer oder mehr derselben ohre ichtwas  
vnderstanden/ dasselbig widerumb abstellen/ vnd ohne jemandis beleidigung  
neben gebürlicher bezahlung aller zerung zertrennen vnd vnfaumig abziehen/  
vnd deme nicht anders thun/ oder vngheorsam sein sollet/ So lieb euch vnd  
ewer jeden insonderheit were vorgemelte peen vnd straff zu vermeiden/ solche  
vnserer Mandata vnd ernstliche gebott/ auch hernacher allenthalben in Stät-  
ten/ Schlöffern/ Dörffen in mehrbesagten Fürstenthumben vnd Landen/  
durch vnsern Herolden vnd andere Executores der gebür mit gewonlicher So-  
lenniteten verkünd vnd öffentlich angeschlagen worden/ auff das sich niemand  
der vnwissenheit zuentschuldigen hat/ Vnd sich gebürt hette/ das ihr darauff  
solchen ihren Kayf. avocatorijs vnd Mandatis alles ihres inhalts gehorsamlich  
gelebt/ vnd euch lenger dem zuwider in berürten Fürstenthumb vñ Landen/ in ei-  
nes oder des andern Interessenten dienst/ zu nachtheil vnd vnwiderbringlichen  
schaden vnd versang der andern/ auch ringerung vñ veracht vnserer Kay. May.

Auctoritet vnd hierin gebrauchten Kayserlichen Richterlichen Ampts nicht  
 auffgehalten/ bestellen oder gebrauchen/ weniger den Vnderthanen mit einle-  
 gerung vnd abägung ihres vorraths vnd notturfft vber den hals gelegen/ vnd  
 beschwer vnd bedrangnis zugefügt haben sollen. So ist vns doch nicht allein  
 von vnsern dahin verordneten Commissarien/ sondern auch andern ansehn-  
 lichen Ständen des Reichs beglaubter berichte fürkommen/ das ihr dem zu  
 mahl gegen solchen Mandatis freuentlich in viel weg zuwider gehandelt/ vnd  
 nicht allein die Land/ Stätt vnd Dörffer nicht geraumet/ noch auß der bestal-  
 lung vnd dienst begeben/ sondern hierüber noch zu behuff beyder des endt an-  
 wesenden Der Hochgebornen Ernsten Marggraffen zu Brandenburg/ zu  
 Siretin/ Pommern/ der Cassuben vnd Wenden/ Herzogen/ Burggraffen zu  
 Nürnberg vnd Fürsten zu Rügen/ &c. Vnd Wolfgang Wilhelm Pfalzgraf  
 bey Rhein/ Herzogen in Bayern/ Grafen zu Beldens vnd Spanheim/ &c.  
 vnserer lieben Oheim vnd Fürsten/ bis auff diese stund verblieben/ vnd euch in  
 deren end vnd dienst weiter begeben/ mustern vnd bestellen lassen/ Schlöffer vnd  
 Stätt in ewere verwehr vnd besatzung genommen/ auch andere thätlich ein-  
 nehmen helfen/ Vorberürten Fürsten in ihren vnrechtmessigen beginnen vnd  
 verbotten/ artentiren, allen vorschub geleistet/ auch wol den Vnderthanen an  
 vielen ohrten ferner beschwer auffgedrungen/ vnd keine zehrung bezalt haben  
 sollen/ alles zu grossen schaden vnd nachtheil vnser vnd des Heyligen Reichs/  
 auch andern Interessenten/ ja auch zu der vermessheit gerathen/ das ihr vn-  
 sere selbst eigene Güter/ die wir zu Cölln einkauffen/ vnd durch Berchem zu  
 vnserer freundlichen geliebten Bettern/ Sohn vnd Fürsten/ als des ortes hoch-  
 ansehnlichen fürnehmsten Commissari S. Erzhertzog Leopoldt E. notwendig-  
 gen Leibs Guardi vnd verwahrung der Bestung Gütlich dahin führen lassen/  
 wider alle Reichs Constitutionen ohne etliche befugnuß daselbst zu Berchem  
 angehalten vnd behemmen dörfen/ darüber in viel andere weg dem Mandato  
 aufffentlich zuwider gehandelt/ Wie wol wir nu wol befugt/ wegen solcher mut-  
 williger vorfesslicher contravention vnd vnghehorsam/ auch andern daben ver-  
 üben groben vbertretungen gestracks ohne weiter procediren oder anders euch  
 sampt vnd besonder/ in die den Mandatis einverleibte/ vnser vnd des Heyligen  
 Reichs Ache vnd aber Acht/ auch andere straffen zuerklären/ vnd dieselbe ohn  
 auffenthalt wider euch zu exequiren. Gleichwol damit sich niemand zu einiger  
 verkürzung oder vberreitens mit fügen zubeschweren/ vnd alle vnd jede vber-  
 tretter vnd Vngheorsamen desto mehr ihres mutwilligen verbrechens vnd wol-  
 verdieneter straff vberzeugt werden/ vnd zumahl kein entschuldigung vorwen-  
 den mö-

den möge/ so haben wir euch sampt vnd sonder nochmahln mit diesem vnserm  
 Kayserlichen Mandat ermahnen/ vnd eine benante zeit/ euch von dem vnge-  
 horsam zu purgiren/ auß lautern Kayserlichen gnaden vnd zum vberflus aller-  
 gnedtgest ansetzen wollen. Befehlen euch demnach allen vnd einem jeden inson-  
 derheit/ auß Kayserlicher macht vnd vollkomner gewalt abermahl bey obbe-  
 rtem vorigen vnserm Mandato einverleibte straffen/ auch verliering ewer  
 Ehren/ Digniteten vnd Würden/ Vnd das ihr auß den vnverhofften fall des  
 vnghorsams vnd widersetzigkeit allenthalben im ganzen Römischen Reich  
 Schloß/ gefreuel/ gescholten vnd gehalten/ Darneben ewere Leib vnd Güter  
 jedermenniglichen frey gelassen sein sollen/ Ernstlich vnd vestiglich gebierend  
 vnd wollen/ das ihr innerhalb sechs wochen den nechsten von dato/ wann diese  
 vnser Kayserlich Mandat vnd Brieff euch verkündet oder zuwissen gemache/  
 anzureiten/ den wir euch vor den ersten/ andern vnd letzten/ vnd also perempto-  
 rische Termin ansetzen/ vorbereit vnserm Mandato alles seines inhalts gehor-  
 samlich gelebt/ Die Landen/ Städte vnd Schlöffer zumahl räumet/ ewere den  
 beyden allbereit anwesenden Fürsten geleiste eyd vnd pflichten außklündet/ vnd  
 ferner denselben wie auch andern präetendirenden Fürsten/ vor Rechtlichen  
 vnserer entscheidung in keine Kriegsbestallung oder dienst gebrauchen laisset/  
 in keinerley weis/ diß vnd kein anders thut/ so lieb euch ist vorbereitete straffen  
 zu vermeiden. Wie wir auch euch hiemit aller eyd vnd pflichten vnd anderer  
 glauben/ damit ihr vielleicht beyden Fürsten verwandt sein möchtet/ auß Kay-  
 serlicher vollkommenheit vnd macht/ absolviren/ erledigen vnd freyzehlen/  
 Dergestalt das ihr dardurch keins wegs mehr verbunden oder befahret sein sol-  
 let. Welche nun auß dieses vnser Kayserlich gebote sich wider zu vnserm ge-  
 horsam ergeben/ den Mandatis der gebür volg leisten/ vnd von ihren vorgenom-  
 men widersetzigkeiten innerhalb vorgesezter zeit ablassen/ vnd derhalben bey  
 vnserm hochansehnlichen sürnembsten Commissario vnserer freundslichen ge-  
 liebten Bertern/ Sohn vnd Fürsten/ Ershertzog Leopoldi E. sich angeben vnd  
 erklären werden/ denselben wollen wir hiemit vnd krafft dieses Brieffs auß  
 Kayserlichen Gnaden/ was sie durch vorige widersetzigkeiten dagegen ver-  
 bracht vnd verwürckt/ allergnedtgest verziehen vnd nachgegeben haben/ Die  
 andere aber so in ihrem vorgenommen vnghorsam vnd vorsetzlichen bösen freue-  
 lung beharren/ vnd innerhalb vorgesezter zeit nicht resipisciren/ vnd alsbald  
 das selbst vor den Commissarien erklären werden/ dieselbe wollen wir ernstlich  
 hiemit für erklärte Rechter/ jeso als dann/ vnd dann als jeso gehalten haben/  
 Wie wir dieselbe auß solch: n fall hiemit nochmahln jeso als dann/ vnd dann als

90

Jetzt in vnser vnd des Heyligen Reichs Acht vnd aber Acht/ auch andere den  
vorigen vnd jetzigen Mandatis einderleibte straffen/ gefallen zu sein erklären/  
Dieselbe Ehrloß declariren, jedermenniglichen ihren Leib vnd Güter frey ge-  
ben/ vnd wollen darauff dem Execution nach verlauff des angelegten Termins/  
ohne einigen vnderscheid/ wider dieselbe sampt vnd sonders entlich ergeben/  
befehlen vnd vollziehen/ vnd niemand wer der auch seye/ verschonen lassen/  
Darnach habe ihr euch sampt vnd ein jeder insonderheit zu richten vnd zu hül-  
ten/ Dann diß ist vnser entlicher will vnd befehl/ Geben auff vnserm Königs-  
lichen Schloß zu Prag/ den sechsten tag des Monats Novembris Anno sechs-  
zehnhundert vnd Neundren/ Vnserer Reiche des Römischen im fünff vnd  
dreißigsten/ des Hungarischen im acht vnd dreißigsten/ vnd des Böhemischen  
auch im fünff vnd dreißigsten.

Rudolff.

L. von Stralendorff.

Ad mandatum Sacræ Cæsareæ  
Maiestatis proprium.

God: Herrsch.

### Das ander aber dieses inhalts ist.

**W**ir Rudolff der ander von Gottes Gnaden Erwählter Römischer  
Kaysers/ zu allen zeiten mehrer des Reichs in Germanien/ zu Hun-  
garn/ Böhem/ Dalmatien/ Croatien vnd Slavonien/ König/ ic.  
Erzhertzog zu Osterreich/ Hertzog zu Burgund/ Steyr/ Kärnten/ Erain  
vnd Wirtemberg/ Graffe zu Tyroll/ ic. Embieten allen vnd jeden Weyland  
Hertzog Johann Wilhelms zu Gütlich/ ic. vnser in Gott ruhenden Vetteren  
vnd Fürsten/ Christenlidesten angedenckens hinterlassenen Räten/ Ba-  
ampten/ Dienern/ vnd ins gemein allen vnd jeden in Gütlichen/ Eleu-  
schen vnd Bergischen Fürstenthumben/ auch darzu gehörigen Graff/ Hertz-  
schafften vnd Landen/ inaeßenen Ständen/ Vnderthanen vnd Schutzwir-  
wandten/ wes Stands Würden oder Wesens die sein/ vnser Gnad/ Vnd  
fügen ihnen hiewit zu wissen. Demnach wir gleich auff absterben ermettes  
Hertzogem

Herzogen Johan Wilhelms zu Conservation vnser vnd des Heiligen Reichs/ auch eines jeden Interessenten befugnuß/ Recht vnd Gerechtigkeit/ so wol erhaltenen gemeinen frieden vnd ruhe/ auch anwendung aller gefehlichen besorgter zerrütlichkeit dieser löblichen Fürstenthumb vnd darzu gehörigen Landen/ auß tragendem Kayserlichem Ampt vnd Vätertlicher sorgfältigkeit/ euch vnder dato des zweiten Aprilis nechsthin Allergnedigst befohlen/ die durch vns hiebervorn bestelte Regierung fernner in vnserm als Regierenden Römischen Kayfers vnd Obersten Vntersal/ auch Ehenherm Namen / bis zu anderer vnserer verordnung zu continuiren/ vnd bey namhafter peen keine newerung noch enderung zugestatten/noch einigen Interessenten/ wer der auch were/ vor eweren Herrn vnd Obrigkeit ohne vnser erlaubnuß vnd bewilligung zuerkennen vnd anzunehmen/ sondern alles im alten stand/ darinn es nach Tödllichem abgang obgedachts vnserß Vettern Herzog Johan Wilhelmen zu Gütlich/ re. gewesen/ zulassen vnd zuhandhaben/ Darauff auch folgendß durch vnserer in diese Lande Deputierte Commissarien den fünfften May solchen befehl vnd verbott erwidern/ zu erhaltung dessen gute verordnung verassen/ Daneben am vier vnd zwanzigsten May wider alle Interessenten ein Mandatum inhibitorium cum annexa Citacione ad proponendum actiones Edictis weise aufgehen/ Die Räte/ Ritter vnd Stände vielfaltig solches vnserß Befehls vnd verordnungen erinnern/ vnd denselben schuldigen gehorsam vnd folg zuleisten/ anmahnen vnnnd verwarnen. Hierüber beyde diß ohrts anwesende/ Als die Hochgeborne Ernst Marggraff zu Brandenburg/ zu Stettin/ Pommern/ der Cassuben vnd Wenden/ Herzog/ Burggraffe zu Nürenberg / vnd Fürst zu Rügen/ an stat vnd in Namen seines Brudern des Churfürsten zu Brandenburg/ re. Vnd Wolfgang Wilhelm Pfalzgraff bey Rhein/ Herzog in Bayern/ Graffe zu Beldens vnd Spanheim/ an stat vnd von wegen S. E. Mutter/ vnserer liebe Oheim vnd Fürsten/ ihrer anmassungen halben/ in diese Fürstenthumb auff eine zwischen Ihren E. ( vorberürten vnserm Kayserlichen Mandatis vnd rechtmessigen verordnungen stracks zuwider/ darneben zu nachtheil vnd versang anderer hierunter Interessirten ) eingegangene nichtige verbotene vergleichung/ thätlich einzuziehen/ newerung anzustellen/ vnd sich in die Possession de facto einzudringen vnderstanden/ Damahlen nicht allein gestracks vnser Commissarius dagegen protestirt vnd contradicirt, sondern auch als bald den siebenzehenden Junij berürt vnser Mandatum inhibitorium cum citacione offentlich publiciren vnd anschlagen lassen/ In massen wir hernacher

als



als wir dieser angemassen vergleichung/ vnd der darauff vorbesagten vnsern  
Kaiserlichen Mandatis vnd verbotten zuwider/ vns zum despect vnd verach-  
tung vorgenommener attentaten, von vnsern abgeordneten Commissarien vnd  
anderen des Heyligen Reichs ansehnlichen Ständen berichtet/ insonderheit  
aber/ das beyde vorgemelte Fürsten angeregte Mandata zu eludiren, sub & ob-  
reptionis zubeschuldigen/ ihres gefallens aufzudeuten/ zu restringirn vnd ca-  
villirn/ dadurch die Vnderthanen irrig zumachen/ vnd ihnen beyzufallen vnd  
anzuhängen/ zu verleiten gelüsteren/ vnd dergestalt das commodum possessio-  
nis zu ihrem vorthail an sich zubringen/ sich anmassen/ vngeacht wir allbereit  
einem jeden so zu diesen Fürstenthumb vnd Länden zu: oder anspruch zuhaben  
vermeynt/ den weg Rechts gnugsam geöffnet/ vnd dieselb zu aufführung  
ihrer præntension vor vns/ als dieser sachen vnmittelbarn einzigen Richter Ei-  
re vnd geladen/ vnd wie wir erwogen/ das dadurch vns vnd dem Heyligen  
Reich/ auch andern Interessenten so sich bey vns allbereit angegeben/ vnd die  
Sachen mit Recht verfangen/ nicht allein ein grosses vnwiderbringliches præ-  
iudicium, sondern auch da demselben nicht vorkommen werden solte/ nichts ge-  
wissers/ dann das darauß den Gältischen Fürstenthumb vnd Länden euffer-  
ste gefahr vnd schaden/ wie auch den Benachbarten grosse weitleuffigkeit vnd  
vnruhe zugewarten/ Derowegen solches zu verhüten/ auß Kaiserlicher macht  
vnd vollkommenheit obangeregte/ an sich selbst null vnd kraftlose vergleichung/  
Cassirt vnd auffgehoben/ vnd euch vielfaltig durch vorangedeute vnd neue  
vnser Commissarien/ wie auch hernacher den siebenden Julij jüngst selbst  
schriftlich ermahnen/ vnd Allergnedtgest auch ernstlich befohlen/ das ihr euch  
an diese handlung/ noch was in andere weg tentire/ oder sargenommen werden  
möchte/ im geringsten nicht kehren/ noch vnsern Kaiserlichen befehlen iehres  
zuwider euch einlassen sollet. Hierüber damit obgedachten beyden anwesen-  
den Fürsten/ vorbesagtes wider Rechtlich vnverantwortliches beginnen/ der  
gebür nach gestewrt vnd abgewehrt werde/ euch samptlichen vnd einem jeden  
insonderheit vnder dato den eilfften Julij durch öffentliche Parenen vnd  
Mandata abermahlen auß Kaiserlicher macht vnd vollkommenheit bey peen  
vnser vnd des Heyligen Reichs Acht vnd aber Acht/ auch versterung aller Le-  
hen/ Gnad/ Privilegien vnd Freyheiten/ darin die Vbertreter ipso facto ohne  
einige fernere erklärang gefallen sein sollen/ Ernstlich vnd vestiglich befohlen  
vnd gebotten haben/ das ihr ohn vnser erlaubnuß vnd bewilligung keinem In-  
teressenten/ wer der auch seye/ für ewern Herrn vnd Obrigkeit erkennen vnd an-  
nehmen/ noch demselben einigen beysfall thun/ hulldigen/ oder in andere weg  
beysslich.

Beypflichtig machen/ sondern biß die sachen an vnserem Kayserlichen Hoff/ da  
 sie allbereit anhängig/ vnd dahin sie gehörig/ gänglich entscheiden werde/ da  
 mit in ruhe stehen sollet/ Wir auch/ da diesem vnserm Kayserlichen rechtmes-  
 sigen Mandat vnd gebott zugegen vnder dessen allbereit/ es sey mit einlaß/ oder  
 annehmung eines oder des andern Interessenten oder ihrer Gewaltträger/ wie  
 auch durch leistung einiger huldigung oder sonsten in ander weg ichtes de facto  
 attentirt vnd fürgangen were/ dasselbe alles vnd jedes/ als an sich selbst nicht-  
 tige/ eigenthätliche vnd verbottene attentata calirt, revocirt vnd auffgehbt/  
 auch alles in vorigen alten stand/ wie es auff Tödtlichen abgang vorbesagten  
 nechst verstorbenen Herzogen Johan Wilhelmens gewesen/ gesetzt haben/ sol-  
 che Mandata auch zu Düsseldorf/ Eleye/ Euhnen vnd andern vnderchied-  
 lichen Strätten/ Schlössern/ Flecken/ Dorffschafften vnd andern ohrten in  
 den Gülichischen/ Eleyischen vnd Bergischen Fürstenthumben/ vnd dahin ge-  
 hörigen Graff: Herrschafften vnd Länden/ damit sich niemand der vnwissen-  
 heit zu entschuldigen/ durch vnsern darzu abgefertigten Herolden/ vnd andere  
 von vnsern Commissarien darzu gebrauchte Executores den fünff vnd zwan-  
 zigsten/ sechs vnd zwanzigsten/ acht vnd zwanzigsten/ neun vnd zwanzigsten/  
 dreißigsten vnd letzten Julij/ wie auch erst: andern vnd folgenden tags Augusti  
 der gebür verkündet/ an gewöhnlichem plaz öffentlich angeschlagen vnd affi-  
 girt/ solche vnser Mandata von vnserm hochansehnlichen fürnehmsten Com-  
 missario/ als dem Hochwürdigem/ Durchleuchtigen/ Hochgebornen Leopolden/  
 Erzhergogen zu Osterreich/ Bischoffen zu Straßburg vnd Passaw/ Her-  
 zogen zu Burgund/ Graffen zu Tyroll/ vnserm freundlichen lieben Vetteren/  
 Sohn vnd Fürsten/ widerumb vnder dato den acht vnd zwanzigsten Julij pu-  
 blicirt worden/ So hetten wir vns Allergnedigst versehen/ ihr würdet ewer  
 schuldigkeit vnd der Rächte erklärung nach/ solchen vnsern ernstten so hoch ver-  
 preenten befehlen vnd gebotten/ schuldigen vnnnd volligen gehorsam geleistet/  
 vnd zu keinem andern widrigen/ durch frembde vngereimbre einbildungen oder  
 andere vnarrige affecten verfahren vnd bewegen/ noch abwendig lassen machen.  
 Weil vns aber nicht allein von vnsern abgeordneten hochansehnlichen Com-  
 missarijs/ sondern auch andern fürnehmen Ständen des Heyligen Reichs be-  
 glaubter bericht/ wie dann solches notorium vnd Landkündig/ auch facti per-  
 manentis ist/ zikommen/ das ihr obangeregten vnsern rechtmessigen Manda-  
 tis vnd vielfältigen erinnerungen vngerecht vnd zuwider/ ewer sampt vnd be-  
 sondern ein gut/ da nicht mehrer theil/ obbesagte beyde Fürsten im Namen ihrer  
 Principalen/ ohne vnser erlaubnuß vnd beleyhung für ewere Herrn erkends  
 vnd

vnd angenommen/ derselben sich mit handglübben vnd andern einlaß beyge-  
 pflichtet/ theils denselben gehuldiget/ deren gebott vnd verbott gewertig vnd ge-  
 horsam seyd/ von ihnen zu Räten/ Beampten/ Dienern vnd andern Befelchs-  
 habern euch bestellen/ die Gerichte in Ihrer &c. Namen besigen/ begleiten/ auch  
 zu einnam/ verwahrung vnd besagung der Schlöffer vnd Stätte gebrauchen  
 lassen/ hingegen aber wider vnser abgeordnete Hochansehnliche Commissa-  
 rien allen vnghorsam erzeiget/ dieselben von den Stätten vnd Schlöffern/ als  
 wann ihr vns als Römischen Kayser vnd Obristen Herrn keinen gehorsam  
 mehr schuldig/ wir auch euch vnd beyden anwesenden Fürsten nicht zugebie-  
 ten/ noch ichtwas in diesen landen zuthun hetten/ abgewiesen/ die Pforten  
 versperret/ ja auch öffentlich verlauten lassen dürfen/ ihr hettet ewere angebo-  
 re Herrn im Land/ vnsern Ehrhold zuveracht: vnd verlegung vnser vnd des  
 Reichs Hochheit/ in vielen Stätten nicht einlassen/ noch vnser Mandata  
 annehmen/ oder ihme die anzuschlagen/ verstaten wollen/ sondern demselben  
 in verrichtung seines ihme von vns anbefohlenen Ampts verhindert/ viel  
 schimpffs vnd spots erwiesen/ vnd dergleichen vnzehliche attentata sürgenom-  
 men/ vnd noch dabey beharren/ vnd täglich mehr vnd mehr wider vnser verbott  
 fürnehmen sollet/ Also das es sich ansehen läffet/ das ihr euch des schuldigen ge-  
 horsams ganz wienziehen/ vnd euch selbst ewers gefallens Herrn nemen vnd  
 ansehen/ vnd vns in vnser Kayserlich Ampt vnd Obrigkeit eingreifen wollet/  
 dardurch ihr in vorangeregte vnser Mandatis einverleibte straffen ipso facto  
 gefallen. Wie wol wir nun gnugsam befugt weren/ wegen solches vnverant-  
 wortlichen beharlichen vnghorsams vnd contumacie, auch vns vnd den vnser  
 Regierenden Röm. Kayser reputation/ autoritet vnd hochheit/ wider alle  
 vnd jede Vbertreter stracks simpliciter ohne andern weitem auffenthalt/ oder  
 Citation mit der Declaration der Acht vnd aber Acht fortzuführen/ vnd deren  
 Execution jedermennigtlichen zuerlauben. Gleichwol damit niemand einige  
 vbereilung zulagen/ auch jedweder spüren möge/ das wir keinem vnrecht vnd  
 zu kurz thun wollen/ sonder jedweder desto mehr seines frevelmütigen vnghor-  
 sans vnd auffrieglicher verbrochung/ auch daher wolverdienten straff zu berei-  
 wen/ vnd davon abzusehen vrsach vnd gelegenheit finden vnd bekommen möge.  
 So haben wir dieses vnser Kayserlich legt vnd endlich Mandatum/ noch zum  
 vberfluß/ vnd allein auß Kayserlichen Gnaden außgehen/ vnd damit dasselb  
 nicht auch gleich allen den vorigen/ mit vorgebildem grossen vngrund vnd al-  
 ler vnwarheit

Ir vnwarheit pro sub & obreptitio gehalten/durch vnsero freundslichen geliebten  
 Bettern/ Sohn vnd Fürsten Erghergogen Leopoldt/ Als desfalls verordneten  
 Hochansehnlichen fürnehmsten Commissari E. sampt dero zugeordneten (sie  
 verrichten es gleich selbst in der Person/ oder welchen S. E. oder dieselb darzu  
 verordnen möchten) allenthalben in berürten Fürstenthumben vnd Landen  
 publiciren vnd anschlagen lassen wollen. Befehlen euch darauff samptlich/  
 vnd einem jeden insonderheit auß Kayserlicher macht vnd vollkommenheit/  
 nochmahln bey peen vnser vnd des Heiligen Reichs Acht vnd aber Acht/ auch  
 andern straffen vorigen Mandatis einverleibt/ darzu bey verlust aller ewer Eh-  
 ren/ Digniteten vnd Würden/ ernstlich vnd vestiglich gebietend/ vnd wollet/  
 das ihr innerhalb sechs wochen den nechsten nach verkündigung dieses ( die  
 wir euch für den ersten/ andern vnd letzten Termin peremptoria zu allem vber-  
 fluß ansetzen ) allen vnsern vnd vnserer Commissarien vorangeregten Manda-  
 tis alles ihres inhalts ein völlig gehorsam genügen thut/ alles das jenige/ was  
 ewer einer oder der ander/ oder auch alle in gemein dagegen gethan/ verhandlet/  
 eingezogen oder den Fürsten mit handgelübden/ eyd/ huldigung/ beypflich-  
 tung/ einlaß/ oder in andern wegen zugesagt haben möchte/ abschafft/ cassire  
 vnd wideruffet/ euch wider in ewere vortze dtsfalls in Anno fünfzehnhundert  
 neunzig sechs auffgerichte/ vnd volgendts nach absterben vielgedachten Herzo-  
 gen Johann Wilhelms am neunden Aprilis zu Düsseldorf erneuere vnd be-  
 thewere Union begeben/ vnd als Regierenden Römischen Kayser für ewerem  
 Ober/ vnd Lehenherm/ auch vndisputirlichen vnd einzigen Richter dieser sa-  
 chen erkennet/ beyder vielbesagter Fürsten keinen/ oder wer sich sonst von den  
 Interessenten vor entscheidung dieser/ vor vnserm Kayserlichen Hoff Rechte-  
 hengigen sachen anmelden würdet/ zu keiner Possession gestattet oder zulasset/  
 deren gebort oder verbott nicht eins oder andern gewertig seyhet/ sondern euch  
 gang vnd zumahl Neutral halter/ vnd alles im alten stand/ wie es auß absterben  
 mehrermelten Herzogen gelassen/ wider stellet vnd handhabet/ vnd endlich vn-  
 sers Rechtlichen außschlags vnd verordnung gewartet/ diß vnd kein anders  
 thut/ als lieb euch ist vorherbürte straff zu vermeiden/ wie wir auch die dagegen  
 vorgenommene newerungen als verbotten/ vnd an sich selbst nichtige attentata  
 hiemit nachmals cassiren/ auffheben/ vnd alles in vortzen stand setzen/ auch euch  
 allesampt vnd einem jeden insonderheit der handgelübden/ eyden/ pflichten/  
 huldigungen vnd dergleichen/ so von einem oder andern mehrbesagten/ bey-  
 den Fürsten beschehen oder abgenommen sein möchten/ auß Kayserlicher

macht vnd vollkommener gewalt absolviren vnd erledigen/ Dergestalt das die-  
 selbige dardurch im geringsten nicht gebunden noch gefahrt sein sollen/ Wel-  
 che nun auff dieses vnser Mandat/ sich wider zu vnserm gehorsam vndergeben/  
 demselben volg leisten/ vnd von voriger contumacia vnd widerseßligkeit ablas-  
 sen vnd resipisciren/ derhalben bey Hochgedachten vnsern hochansehnlichen  
 fürnemßten Commissario vnseres freundlichen geliebten Bettern vñ Sohns/  
 Erzherzogen Leopoldi I. sich angeben vnd erklären werden/ denselben thun wir  
 auß Kayserlichen milden gnaden diese ihre vorige vbertretung/ verbrechen/  
 vnd dahero verwirkte straffen Allergnedigst nachgeben vnd verzeihen/ Nemen  
 sie auch hinsüro in vnsern vnd des Heiligen Reichs schus vñnd schirm auff/  
 wollen inmittels zubefürderen nicht vnderlassen/ das in diesen Fürstenthumb  
 vnd Landen/ ein gewisser Fürst der darzu befügt ehsts möglich benent vnd vor-  
 gesetzt werde/ Die andere aber/ so in ihrem vorgenommenen vñverantwortli-  
 chen vngheorsam vnd vorseßlichem freuel beharren/ vnd innerhalb berürter zeit  
 nicht resipisciren oder als bald sich nicht erklären/ dieselbe wollen wir endlich  
 hienit in vnser vnd des Heiligen Reichs Acht vnd aber Acht/ auch andere  
 den Mandatis einverleibte straffen jetzt als dan/ vnd dan als jetzt erklärt/ denun-  
 cijrt vnd öffentlich verkündet haben/ Wie wir sie dann darinn nochmals auff  
 solchen fall erklären/ denunciiren vnd öffentlich verkünden/ auch nach verlauff  
 des angeetzten Termins/ ohne einigen vñderschied alle ihr Leib/ Haab vnd Gut  
 jedermenniglichen erlauben/ Darnach ihr euch sampt vnd ein jeder insonder-  
 heit zurichten vnd zu hüten/ Vnd dis ist vnser endliche ernste meynung vnd  
 befehl/ Geben auff vnserm Königlischen Schloß zu Prag den sechsten tag des  
 Monats Novembri/ Anno r. Sechszehen hundert vnd Neunden/ Vnserer  
 Reiche des Römischen im fünff vnd dreißigsten/ des Hungarischen im acht  
 vnd dreißigsten/ vnd des Böhmeischen auch im fünff vnd dreißigsten.

Rudolff.

E. von Stralendorff.

Ad Mandatum Sacrae Caesaris  
 Maiestatis proprium.

God: Hertel.

Barin

97

Warinn Hochgedachte Gewalthabende Fürsten/sich/ Ihrer FF. GG. Herrn Principalen Vnderthanen/ Beampte/ vnd zu ihrer Defension geworbenes Kriegsvolck zum eussersten graviret vñ beschwert befinden/ Vnd wofern demselbē durch dienliche zugelassene Rechtsmittel nicht begegnet würde/ noch ferner beschweret zu werden billich fürchten: Aus vrsachen weil vber vielfältige anzügliche ausslagen/ deren sothane Mandata vnd Eventual Bannimenta vol sein/ darinn

Erstlich ein vnerhörter Sentenz begriffen/ so ohne einige vorhergehende erkandnuß vnd vngehört der Partheyen noeturfft ergangen/ Vnd aber die Rechte vnzweifflich vermögen/ quod quilibet pro suo jure sufficienter sit audiendus; & quod sententia causæ cognitione omissa, & parte altera non audita, ipso jure sit nulla.

Fürs ander/ weil Ihre FF. GG. vnd dero Chur: vnd Fürstliche Principalen/ nicht allein ihrer wolerlangten rechtmessigen Possession/ sondern auch dero gangen zustehenden Rechtens darinn benommen vnd entsetzt werden. Vngeachtet die Rechte nicht allein dergleichen spolia verbieten/ sondern auch da dieselbe de facto ergehen/ dem spoliato allerhand behülffliche remedia darwider verordnen/ deren er sich zugebrauchen/ vnd vermittelst welcher er ante omnia muß restituiret werden.

Fürs dritte/ weil auch Ihren FF. GG. vnd dero Principalen darinn abgeschnitten vnd verweigert wird/ was sonst dem allgeringsten Vnderthanen im Reich vergönnet vnd zugelassen/ Nemblich die erledigten Erbschafften/ vnersucht der Obrigkeit oder Richters einzunehmen vnd zubesigen/ Warauß/ wann solches also ergehen solte/ ein zumahl grosses absurdum erfolgen würde.

Fürs vierdte/ weil es auch wider die verschiedene vielfältige ausdrückliche Kayserliche concessiones vnd confirmationes laufft/ die da nicht allein dergleichen apprehensionem possessionis auff dem fall den darinn benandten Erben zulassen/ sondern auch bey hoher peen die Stände vnd Vnderthanen dahin/ vnd zugenembhaltung derselben verweisen vnd gebieten/ Atque Imperatori vnus debet esse calamus & vna lingua, & constans ac perpetua debet eius esse voluntas, tanquam in fonte iustitiæ: Convenit enim Principibus verbum illud: Semel locutus est Deus: & quod scripsi scripsi.

Fürs fünffte/ weil es auch der Kayserlichen Capitulation/ des Heyligen Römischen Reichs Constitutionibus, vnd dero Executions Ordnung/ ja

28  
auch dem Fürstlichen herkommen vnd gewonheiten/ die da wöllen/ das ein reg-  
licher Fürst im Reich in guter bereitshaft sitzen/ vnd in seinen Landen solche  
embfuge fürsehung thun solle/ damit sie vor allem feindlichen vberfall vnd ein-  
griff gesichere/ vnd der benachbarten Kriegshülff desto baß vnd süßlicher ge-  
ntessen können/ entgegen ist. Atque nihil magis Maiestati regnantis conueniens  
est, quam legem quam semel tulit tutari. Et consuetudines præsertim familiarum  
illustrium pro lege habeantur, à qua ipsis nolentibus non recedendum.

Fürs sechste/ weil es auch Ihr F. B. mehrmahln gethaner oblation  
de præstanda sufficienti cautione, dahin Ihr F. B. sich auch nochmals auff  
freßtigst anbietern/ schnur stracks entgegen laufft/ da doch die Rechte auch  
sagen vnd wöllen/ quod vadari paratus nullo modo gravari debeat. Zu geschwe-  
gen entlich/ das in sothanen vermeinten Mandatis vnd Achts erklärungen/  
weder der Prærendirenden vnd Supplicanten Nam/ noch die vrsachen des  
Kayserslichen vorhabens/ noch der Kläger intention vnd vorbringen exprimi-  
ret oder zubefinden/ welche defectas an ihme selber sothane Mandata verdeck-  
tig/ null vnd nichtig machen/ vnd in das ansehen setzen/ als wann sie à Iudice  
non implorato wider der Rechte heilsame verordnung ertheilet vndd fürge-  
bracht weren.

Hierumb so wöllen mehr hochgedachte Ihre F. B. vor sich/ ihre Prin-  
cipalen/ Beampte/ Stände/ Vnderthanen vnd angehörtiges geworbeneß  
Kriegsvolck/ wegen sothaner vber die maß grossen vnd vnbillichen beschwerun-  
gen/ vnd in specie wegen deren sub & obrepticie vbel außgebrachten Mandat-  
ten vnd Processen/ so wie oben außgeführt in iure & facto vnbestendig/ vnd  
auff lauter solche præsubposita gegründet/ sampt vnd sonders omni meliore  
modo, salua notoria nullitate, wie es zu Recht am besten vnd sörmlichsten ge-  
schehen soll/ kan oder mag/ sich beruffen/ vnd von der Römischen Kayserlichen  
Mayestät vnd dero Commissario/ hinwiderumb an dieselbe/ ceu à Cæsare male  
informato ad melius informandum & Committentem, vnd das ganze Heilige  
Römische Reich/ Ehur/ Fürsten vnd Stände/ oder wo sonst diese sache ihrer  
art vnd eigenschafft nach hingehöret/ mit vorbehalt aller Rechtlichen beschre-  
benen vnd eingeführten wolthaten/ Insonderheit der wolthat l. per hanc C. de  
temp. & rep. appell. seu consul. suppliciter vnd appellirt haben/ Vnderwerffen  
darauff denselben sich/ ihre Räte/ Diener/ Kriegsvolck/ Beampte/ Vnder-  
thanen/ Schwerverwandten/ vnd in summa diese ganze sache/ vnd was darzu  
gehören oder zugezogen werden mag/ Der respectiv vnderthenigsten/ freund-  
lichen

lichen vnd gnedigen zuversicht/ Sie darbey gegen vnrechtmeßigen gewalt vnd  
 vbercülung schutz/ schirm vnd verrückung wol finden vnd haben werden. In  
 massen Ihre FF. GG. sich dann zu Rechtlicher prosequirung dieser respectiv  
 Supplication vnd Appellation/ vnd ferner anzeigung vnd außführung ihres  
 grauaminum htemit anerbotten haben wollen.

Vnd gesinnen darauff an euch Ern Notari Instanter instantius & instan-  
 tissimè, diese Appellation fleissig ad notam zunehmen/ Ihren FF. GG. Apo-  
 stolos Testimoniales darüber mitzutheilen/ vnd vmb die gebür ein oder mehr  
 Instrumenta zubegreifen/ dieselbe auff Pergament zu ingrossiren/ vnd her-  
 nach an gebührenden ohrten zu insinuiren/ vnd in Summa alles darbey zu  
 berichten/ was dessfalls ewers Ampts ist/ vnd euch zuverrichten zustehet/ da-  
 mit Ihre FF. GG. deren der notturfft nach/ sich zugebrauchen haben mögen.

Dieweil nun auff all solche gnedige requisition wir Notarien vnser trā-  
 genden Ampts stark erinnern/ So haben wir nach empfangung obangeregter  
 inserirter Appellation zettels gegenwertig Instrumentum loco Apostolorum  
 Testimonialium, so viel solches eyds halben vnd zurecht/ Salua tamen Imperato-  
 ria Maiestate & sine vlla eius læsione sich gebürt/ vnd ferner nicht davon prote-  
 stirent/darüber verfertigt/mitgetheilt. Geschehen im Jahr/ Indiction/ Kay-  
 serthumb/ Monat/ Tag/ Stund vnd Wahlplatz als obstehet/ In beysein vnd  
 anhören der Ehrhafft vnd Wolerfarnen Johannem Sonntag vnd Jacobem  
 von Blodorff als beyden hierzu sonderlich beruffenen glaubhafften gezeugen-

Vnd nach dem ich Peter Gans Ratingensis auß Röm. Kayf. Mayestät  
 ein offner Eretrter/vnd an derselben Kayserlichen Camergericht zu Speyr  
 Immatriculirter Notarius, als obangeregte Appellation/ vermittels besche-  
 hener narration, verlesung vnd vberreichung des zettels vnd arthw, vorge-  
 schriebener massen interponirt/ sampt dem auch nachbeschriebenem Nota-  
 rio Adamo ab Hagen, vnd ernenten gezeugen Persönlich gegenwertig gewe-  
 sen/ Dasselb also beschehen zusein/ gesehen vnd angehört/ So haben wir  
 beyde Notarien/ mit vorbehalt gethaner Protestation/ darüber dis Instru-  
 mentum auffgericht/ dasselb auch ich auff dis Pergament ingrossirt/ vnd  
 für mein Person mit Christlichem Tauff vnd Beynamen/ wie in gleichem  
 gewonlichen Notariat zeichen respectiv vnderschieden vnd verzeichnet.  
 Alles zu vrfund der Wahrheit/darzu neben ermeltem mit Notario insonder-  
 heit gebürlich requirirt vnd erfordert.

Petrus Gans Notarius



Als ich Adam Hagen von Pabst vnd Kayserlichen authoritet gemayn-  
 ter vnd zu Speyr zugelassener Notarius/ bey diesem a&u Appellationis mit  
 dem vorgemelten Notario vnd zeugen gegenwertig gewesen/ vnd derselb also  
 ergangen/ Derwegen ich diß Instrumentum/ mit sonderm ernst darzu re-  
 quirirt vnd erfordert/ neben vorgemeltem Notario/ in fidem auch vnder-  
 schreibe/ vnd mein Notariat zeichen dabey setze/ Jedoch dergestalt/ das hie-  
 mit im geringsten der Kayserlichen Mayestät/ vnd meinem Notariat eyb  
 nicht zuwider/ vnd ferner nichts gethan haben wolle/ davon ich hie mit ein-  
 vnd aber eins offentlich protestire.

Hagen Notarius.

